

田  
間  
詩  
集

序

同里任 鑒授

余兄弟束髮卽與龍眠諸子遊惟時龍眠聲氣徧於海  
內詩壇文社與東南遙爲應和更相雄長者久矣而爲  
之領袖者厥惟錢子則今所稱田間飲光先生也先生  
才敏絕人作爲詩文搖筆輒就意不可一世會寇躪吾  
皖同時避地白下頃委之日嘯歌自如旣素負不羈之  
才又以落拓書生好持議論爲異己者所銜致有南渡  
鉤黨之禍自是亡命天隅十年不返改革後白門寓客  
相率歸里獨先生音問杳然雞鳴風雨之思凡我同學

未嘗一日忘也。辛卯冬還自嶺外，戢影江村，著作益多。詩益奇，每一落紙，競相傳寫。上自鄉士大夫，下至田里負販嫗孺，皆吟誦不去諸口。既爲諸同人鳩賞授梓，播之四方，所謂田間集者是也。邇年文教聿興，風雅益盛。先生亦不能淡隱，仍事遠遊。所至詩輒成帙，號客隱集。視田間集殆將倍之，而仍以田間名者，田間固先生讀書處也。詩集、外文、集等是。又有詩學、易學、莊屈合註、各種卷帙，浩繁戊辰春，東海徐先生謀詣都下，大老牋盡梓以行。世會余有山左之役，語余曰：子鄉有傳人有傳書，今且悉付剞氏，以公同好。子能與其成之乎？噫！此余

志也以余鄉之有傳人有傳書其鄉人不能傳而借手於諸大君子負媿甚矣其敢自外乎惟公所命吾任其詩可也計先生生平詩不下萬首昔寓金陵有過江集已流離天末有生還集既皆入藏山閣集中茲特集其辛卯還里以後迄今四十年所作總爲田間全集亦既洋洋乎大觀矣校士之暇聊題數語略述往事并識茲集之所由始事云至其詩文之妙膾炙士林已久固不俟余之多言也

田間詩集目錄

桐城錢澄之飲光氏著

第一卷

江上集

起辛卯冬止壬辰  
計古今體八十五首

第二卷

江上集

癸巳  
計古今體六十八首

第三卷

江上集

起甲午止丙申  
計古今體九十一首

第四卷

江上集

起丁酉止戊戌  
計古今體一百五首

第五卷

江上集

己亥

計古今體九十五首

第六卷

江上集

庚子

計古今體九十二首

第七卷

江上集

庚子

計古今體八十四首

第八卷

江上集

辛丑

計古今體一百二十八首

第九卷

江上集

辛丑

計古今體一百五十一首

第十卷

江上集

壬寅

計古今體九十四首

第十一卷

客隱集

癸卯

計古今體七十二首

第十二卷

客隱集

甲辰

計古今體一百一十八首

第十三卷

客隱集

起乙巳止丙午

計古今體八十六首

第十四卷

客隱集

起丙午止丁未

計古今體七十一首

目錄  
卷一  
第十五卷

客隱集

起戊申止己酉  
計古今體九十一首

第十六卷

客隱集

庚戌  
計古今體五十九首

第十七卷

客隱集

辛亥  
計古今體九十九首

第十八卷

客隱集

壬子  
計古今體一百二首

第十九卷

客隱集

起壬子冬止癸丑  
計古今體七十九首



第二十卷

客隱集

甲寅

計古今體八十六首

第二十一卷

客隱集

起乙卯止丙辰

計古今體六十六首

第二十二卷

客隱集

起丁巳止己未

計古今體七十首

第二十三卷

客隱集

起己未止辛酉

計古今體七十三首

第二十四卷

客隱集

起壬戌止甲子

計古今體七十六首

目錄  
第二十五卷

客隱集

起甲子止丙寅  
計古今體六十三首

第二十六卷

客隱集

丁卯  
計古今體七十五首

第二十七卷

客隱集

戊辰  
計古今體六十七首

第二十八卷

客隱集

己巳至庚午  
計古今體七十五首

田間詩集卷第一

江上集

起辛卯冬止壬辰

傲淵明歸鳥詩四章

翩翩者鳥及暮言歸豈無他樹戀此舊枝延頸夜鳴其聲孔悲吁既歸矣曷云悲矣

翩翩者羽遠集昆岡百鳥于從以翔以翔衝戩駭散相失一方逸哉天路中阻且長

我之獨處念我儔侶抗志於霄載扇其羽未雲焉乘不風曷舉矰弋之施于誰之所

陰陰者木有森其條衆鳥萃止鳴聲交交言求我友言

搆我巢敬之信之于焉逍遙

初返江村作

往昔寇氛逼猝與園林辭流離避黨禍轉徙天一涯妻  
孥旣死喪惟有一子隨自當從此逝入山求所師何意  
飄飄風吹我還茅茨入門見廢墟堂構無復遺門邊二  
老叟雙髻交垂絲云是我兩昆熱視迺不疑傷屋設靈  
位倚帷哭者誰荅言同胞兄歿去已多時捐几一長號  
塌焉裂肝脾

四家兄若士望  
我不至而卒

我鄉舊澤樸鄰舍情頗關自我出門久終年望我還茲  
晨候柴扉知我遠來艱淚感父老意相見開歡顏喜我

猶未老但說鬢毛斑亦有子弟隨指之與我看此輩昔  
在抱今已突而升回憶十年事如何不平酸

到家已旬餘不忍啓我室今晨一開扉蠟蛸徧所歷故  
物無一存起坐想遺迹平生尺素書顛倒猶在壁念我  
結髮人去此爲誰迫如何舍閨房委身沈大澤妻死難  
震澤  
流塵集虛牀雨痕浥敝席伊人永不歸去去勿復覲

敝廬雖以殿所欣松竹存子姪導我行依依入林園上  
山拜先隴疑非昔墓門西向望游子意出亡者見亡兄  
若士  
因我不返爲改墓向言之增我恨淚下不可捫東臯有蓬室云栖  
兄嫂魂兄嫂歿有年且復多子孫直爲貧窶故不獲歸

丘原我歸復如此拊膺夫何言

自昔事行役苦憶江村閒憶此老楓樹婆娑門前山秋  
霜一夜零葉葉爲之丹有時微雨霏遙倚衡門看田父  
樹下來牧童嶺上還但聞禾稼好相見開笑顏長恐死  
道路永託夢寐間今我旣歸與此樂庶不慊

江程雜感

不宿汀洲踰十年水禽煙樹各依然烽臺腸暑新軍府  
汎地旌更舊戰船估客暮占風脚喜漁家晝逆浪頭眠  
江天事事渾如昨回首平生獨可憐

北風吹雨阻江沱鷗鷺連天起白波沽酒蘆中尋店去

買魚沙上喚船過土音漸覺鄉關近客敢惟逢北豆多  
向晚篷窗眠不著隔檣愁聽健兒歌

阻風磨盤洲

亂後江城估舶通千櫓泊處一村空灘頭客附漁家火  
路口神栖破廟風梅福隱來休問姓管寧歸去已成翁  
行吟忽有僧僮識猶詫鬚眉與昔同

皖公城控大江流萬里人歸此泊舟津市魚鮮多礙路  
網船親戚共張鈞老兵賣酒墟難問瘦馬呼羣棧不收  
徙倚闌橋相識少黃昏鼓角迴添愁

皖城

縱陽市井倚江開小港寒潮日暮來駟豎遠迎舟楫問  
羈人暗雜客商回鄉音乍聽見童喜時事初傳父老哀

好望村煙尋路去到門應是舉家猜

到從陽先遣見  
子往訪江村

到家

辛苦天涯願已違江村重返舊柴扉  
十年事付游仙夢萬里塵侵學佛衣  
門巷改來松桂在庭階認去弟兄稀  
相逢莫訴滄桑恨猶勝令威化鶴歸

傷逝

學道忘情苦未忘蒲團空炷夜禪香  
回思虎口真偷活每痛龍輿罷悼亡  
老嫂尚留分寄篋癡兒還指舊扶牀  
無端一案當階棄憶爾雙眉淚幾行

喜雪



年年臘盡滯天涯白首生還度歲華  
炎海人歸初見雪  
煙村樹死半開花  
巢低老屋漁翁宅  
竹亞柴門處士家  
腸好江天空極目  
晚來峰頂杖堪拏

辛卯除夕家兄弟共用還字

柏酒交酬興未慳  
舉家相慶遠人還  
老兄憤世眉常鎖  
諸弟憂貧鬢有斑  
枵櫺爐邊悲獨坐  
牂牁江畔夢難攀  
十年回首真無賴  
永夜聯吟一破顏

壬辰元旦

朝寒小閣剔殘燈  
却憶平生淚滿膺  
旋著衲衣趨拜佛  
別除草舍待陪僧  
野人怨雨將春壞  
農父驚雷是旱徵

何用焚香卜周易近來占驗總無憑

還家雜感

此生誰料有還期哭罷相看夢裏疑同產僅餘三子在一門猶仗兩兄持篋中淚漬遊人信壁上蝸殘憶弟詩不是天涯歸意懶歸原怕到家時

近家纔聽喪吾兄望見柴門百感并得病祇聞思弟劇遠歸虛擬出村迎哭耶嬌女帷前識繞膝孤兒別後生

素喜拮据遺蹟徧經行何處不傷情

哭四家兄若士

震澤傷心擬漸裁因君憶舊轉增哀田園荒失尋誰問屋舍開封盼我回移櫬長江勞遠去還山淺土亦親開

平生兒女更相抱可尚提攜娛夜臺

上妻弟于碩吳江家兄爲孫同淡葬

故

亂餘未敢信家存到日牽衣泣滿門乍接遠人爭識面

試呼乳字已完婚艱難謀食嗟諸子老太驚心見衆孫

獨少童烏虛雁序看渠羅列暗傷魂

余第二子萬祺亦死震澤

鄉井重來萬事徂同堂猶喜弟兄俱雁行零落悲門戶

馬齒參差看髯鬚大宅久燒新葺草水田頻澇罷催租

飢寒莫厭妻孥累好勝初歸旅客孤

交親畢集草堂盈握手曾無一笑聲多病未能迎寡姊

象賢且喜接諸甥關心兄子遺孤健苦志貧門孀女貞

日閒詩集

卷一

五

仲兄有女

諡篤更憐吾舅氏星奔遠見渭陽情

舅氏聞余至遠

來慰勞

百年舊宅已成烽子姓蕃盈何處客長憶聯吟庭雪滿  
最憐合坐燭花穠茨茅共惜秋乾蔓繞舍偏憐夜靜松  
獨坐猛然迷往事依稀牆角數聲春

苦憶墳園淚幾潸佳城鬱鬱翠微間麒麟無計成高塚  
馬鬣終年臥小山碑石磨留名士撰墓門開望遠人還  
家兄念余不同輟改墓道國恩未展衣冠禁泣向松楸慟莫攀

青山不改昔陵嶺人事驚看幾廢興春酒久亡粉社侶  
曉鐘頻換竹房僧舊游剩得貧交在小字猶聞里媼稱

攜去婢奴無一返見伊兄母痛難勝

羈栖自分漫興嗟況是園林杖可擎餐飯苦勞丘嫂爨  
起居權寄老僧家荒涼細徑新葭竹憔悴當年舊看花  
痛惜池松無故倒瀉聲夜夜夢天涯

茅屋經時暫聚歡夢回未許客心安長貪魚鱗瀕江賤  
却恨園廬徧處殘遠別林花空飽看久忘鄉味勉加餐  
開春又策江南杖敢訴頻年行路難

小兒入贅方氏詰朝走筆示之

夜看雙星色皎然難餘婚嫁劇增憐莫從亂世嫌妝薄  
且喜貧家得婦賢五岳夢思今許遂十年離合事堪傳

余出遊十年家信斷絕  
見婦守志以待兒歸  
應知汝母泉臺慰爲對燈花淚  
點懸

過松陽輔仁會館有感

昔有童靜齋生長此市井終歲不讀書一朝忽有醒徧  
叩諸先生發言無不領坐臥一小樓暗室衣冠整講堂  
倡絕學聽者發深省有如醉夢鄉忽聞鐘鼓警厥功今  
尚存厥志昔何猛我來拜孤墳披榛上荒嶺

先生去已久繼者爲吾親吾親緣飾盡所存惟一真從  
游諸老叟鬚髯皓如銀平生易簡理微言與誰陳所談  
皆世事所接盡俗人妙道無不在指出皆歡欣所以貨

殖區風俗半爲淳歿去二十年無人繼後塵

輔仁館卽事

講堂不到十餘春還著緇衣拜聖人鶴髮翁存悲舊侶

虎皮坐撤憶亡親鄰牆久壞桑陰過小閣重脩竹色新

卜築建祠通邑請至今檳榔委風塵

先君子歿通邑土人請諸鄉中丞建

祠會館之側因亂未就  
木石皆爲無賴子竊賣

地震

宿輔仁館閣上

二月月盡夜將半急雨旋住地有聲我時醉臥江頭閣  
無端振撼宿酒醒閣下老翁起大叫多年宅壞毋乃傾  
漸聞通街人語亂嬰兒啞啞雞犬鳴江頭泊船倚老岸

江翻水立船底轟舟航欹側竈竈急殷殷渡江疑雷霆  
迺知此災竟千里北極亮豫南揚荆春秋亦紀三川異  
垂簾日者占主兵歲星在吳伐不得非其分野禍將生  
天意往復斷可識眼見何時天下寧

遇曾庭聞蕪陰市上

自著方袍萬恨平窮途遇爾轉傷情我從嶺外經年至  
君向江南何處行瓢笠喜無鄉里識顰眉猶使故人驚  
相持莫便當街哭爲到郊原一放聲

赭山懷古

春游無伴獨躋攀北狩曾聞駐此山燕領血疑芳草碧



謂黃靖南龍顏淚滴野花斑奸臣誤主危時遁遁客捐家晚

歲還

余以黨禍亡命毀家

商估渾忘朝市改滿江帆落上蕪關

訪沈惕菴村居

閒鎖高樓野外居故人相訪暮春餘水田泥濁調生犢  
山路又多信跛躓屋賃半間栖劍客窗存破硯寫方書  
岳僧近自湖南至又過城隅給光疏

夢回鈎黨痛猶新

惕菴與余同罹黨禍

握手相看萬死身滄海變

餘吾道在青山別後舊交貧放聲歌哭無多處開口笑  
談其幾人鄰舍藥闌花正好却緣底事獨傷春

俞岳菴藥室

十年歎世老鬚眉賣藥城西志可悲方未施人爲養客  
學因多病竟成醫買松演護巢僧夢穿井驚聞橘叟基  
癡絕半生甘俗棄惟餘此道合時宜

萍蹤底事滯江鄉半醉開衣指箭創新傷清溪租藥室  
許留老衲設繩牀壺中有粒難除癖肘後何方可愈狂  
每怪婆心偏爾切原師我佛大醫王

俞曾爲  
金山僧

### 過羅黎柯廬居

憶昨追陪劍水傍鄞江變後苦相望風霜偏老支牀骨  
涕淚猶盈泛海裝調疾雨中糊藥室飯僧松下啓齋房  
柴桑倘遂平生志馬隊離書應不妨

訪湯玄翼郊居

高士新租園廨居春茂廡下夜春疎閒尋碑石讎難字  
喜過街塵覓異書病色祇疑禪定起談鋒偏洽茗香初  
清詩忽被詞林賞博得鄰園五斗糲

湯有詩爲吳詹事  
所稱貽書其同年

月給光  
五斗

泊銅官遇武水戴子倉卒相識說嶺南事得素  
臣我貽近狀

江船夜泊銅官渚幕客春從庾嶺來姓字久逃方外變  
鬚眉老被故人猜瘴消梧郡情偏切烽鎖梅關望不開  
却喜御風存二子片帆天遣幾時回

聞林樹本客死蒼梧

梧雲嶺樹不堪思，此夕遙傳萬里悲。  
客與最濃聯舫日，交情偏篤避兵時。  
家浮瘴海朝迷渡，雨聚蠻村夜賦詩。  
我出網羅君竟死，天涯誰爲護孤兒。

舊梵雨夜示方子留

精舍名存此再興，蹇蹇走逐遠歸僧。  
十年論舊悲南渡，中夜吟詩泣幸陵。  
語罷纔聞樹杪雨，香殘重點佛前燈。  
來朝莫話天隅事，說向旁人最可憎。

學道違親計已乖，新營文室未編柴。  
風波獨問三江渡，嶺嶠羞穿萬里鞋。  
笑我餘生難出世，訝君何事竟長齋。

庭闈許遂幽栖志爲勸加餐慰老懷

初度日

茗椀蔬盤初度辰重談往事聽如新  
山花好怪長爲客啼鳥何情久戀人  
生趣徧嘗餘老死佛恩聊藉報君親  
去年今日湖東路煙雨篷窗淚點頻

行年四十逐飄萍此日歸休夢已醒  
短髮近從僧舍白小山猶自漢時青  
三竿竹裏三間屋一炷香前一卷經  
今歲田豐吾事濟神巫早賜雨聲聽

方久旱  
祈雨

苦旱行

我生多愛良可歎十年三歸遭奇旱  
頗聞舊歲愁雨多

江頭潮長平江岸豈知今年竟不雨天心人事殊難算  
處處祓壇迓神巫龍師睡熟雷聲按五月潮水去不回  
數里行汲泥一半東壩龜坼行推車長河獨漉緩沒肝  
高田好不己乾死低處且賴枯棹灌農夫望雨眼滴血  
青霞日珥傷昏看夜夜烏雲作雨勢倏忽已見明星爛  
老兄生在萬曆朝災荒數遇無此難十七年乾古稀有  
那似今年流竟斷今年地震驚殺人更兼雷聲壞元且  
過來占驗又不靈顛倒陰陽無人判苦旱不已定苦疫  
秋饑竊恐吾鄉亂我身托鉢事遠游倉皇且爲兒曹患

六月嘗新

江村六月不愁貧已覺春聲動四鄰卒歲未知秋稼稔  
救飢且接早禾新老僧鳴磬先供佛田父操蹄自獻神  
未死敢辭周代粟臨餐三歎媿遺民

夏雹行

四月初夜風雨大雷電穿窗窗紙破呼僮拄門帷藏燈  
屋上茅掀不敢臥老農早起聲叫呼新秧如鍼一半無  
始知夜來天雨雹大者徑尺小盈握土人細察雹傷處  
邊江一帶無多路又見有龍江北來雨雹相隨渡江去  
共占此災主兵凶六月三伏災復同黃禾垂粒雹打盡  
老農拊膺黃雀慶冬雷夏雹本天變豈有一年兩度見

天官占驗不敢知，壞我禾稼使我飢。

書石屋僧化衣緣簿

六月炎蒸正中伏，老夫逃暑上石屋。山門晝閉徒衆稀，沙彌迎客出無衣。明朝持簿長一尺，願乞匹布增光輝。今年天旱農最苦，爾持此簿向誰語。早暮精勤拜世尊，好仗佛力四天雨。秋成大人樂施破衣，且向檐前補。

石屋

石屋重來萬恨侵，獨留高檜碧森森。兩廊羅漢舊相識，記得燃鬚夜苦吟。

唱和已稀蓮社侶，送迎不見虎溪僧。夜淡醒却十年夢。



獨對千峰一點燈

春蘭

空林疑有數花開  
香氣無端忽自來  
只在此中尋不見  
幽芳強半野人栽

秋蘭

秋蘭初茁滿叢芽  
一箭能開十朵花  
不信幽香濃若此  
祇應移植貴人家

戲作示汪瑤若

記得相扶禿袖香  
醒來依舊宿空牀  
料他不毀山僧戒  
豈怕通宵般若光

寄訊姚休那先生臥病

先生玩世者老在亂離年疾篤無車寢書奇付井傳可  
憐薪已盡猶望火重然欲問天南事新詩有數編

七夕同家兄作

時久旱  
祈雨

共候雙星聚十年今夜看雨壇嚴酒禁子舍族疏盤吾  
道悲秋慣癡心乞巧難填河無用鵲銀漢恐應乾

星日變

今年天變見非一仲秋初夜彗星出光芒互天尾有聲  
疾掃鈎陳入昴畢又聞太白晝經天日傍有星却且前  
土人或見三日闕兩日墜地一日懸皇皇天子當太陽

有暈縞日日無光此日在天暈者墜星家不敢言災異  
嗚呼可以知天意

初成

一衲三年願今秋願始成未煩縞素辨且愛水田名漢  
服人間怪官衣夢裏榮佛恩留此製穩著遂平生

回家兄飲田家作

新酒家家熟興來信步過煙村經亂少債戶到秋多山  
簇詩中料水吹盡裏波阿兄防我醉紅樹已先酡

中秋無月

似聞今閏月忽漫是中秋有弟攜家臨呼兒辦小舟絮

雲旋入夜片雨不成遊或恐非佳節休爲敗興愁

既望泛舟酒盡索飲鄰人不暢

澄湖秋後闊還泛昨宵船興與好尊先盡雲開月尚圓擬  
尋村店酒空攬俗翁眠森森浩歌去青山絕可憐

同泰公梅士舍弟食蟹有感

憶昔江村樂持螯意惻然晨昏當開口夜火點江邊落  
水纔論課經霜始論錢弟兄輪作麪此事十餘年

和家兄移菊花詩

秋菊垂垂放移當檐下栽屋因貧去窠花爲老人開近  
寺邀僧看呼兒問酒來白頭羞對汝底事耐霜摧

食蟹有懷吳下

江村蟹不賤飽食在吳年產憶汾湖美品爭黃雀先

汾湖

紫蟹陶莊黃雀爲雙絕

相肥筐欲小擇旨脣辭圓滌爪手親劈阿

儂多可憐

蟹至冬尖臍最肥須手自剪菊湯滌爪

摘豆

種豆南窗下秋來滿架生近門藤葢瓦插棘蔓爲棚過  
雨攜僮覓承筐看婢烹老饗何足厭聊以慰幽情

僧睡

竹扉時自啓松徑少人穿飯後客閒步雨中僧盡眠  
鑄吟將熟茗爐篆欲殘煙莫踏葉聲碎恐驚夢裏禪

鵠茲酬張惕中

江頭破衲少知名脫粟親炊見爾情  
痛入箭創陰雨夜夢回鼙鼓海潮聲  
國恩祇覺諸生重交道誰言亂世輕  
傳說敬亭僧臥病又衝泥濘去宣城

蕪陰送方爾止還山

曾訪高蹤見仲容

予留爲言爾止近狀

豈期瓢笠此相逢悲歌自

取時人厭粗飯寧勞闕吏供野服儘堪存漢製道衡何

處署明農

爾止近號

故山簡點田猶在歸去腰鎌麥可春

有鳥一章示方田伯

時曼公尚滯蒼梧

有鳥天隅滯未歸羈愁何計得翻飛  
蠻江雨熱栖難定

嶺樹煙迷侶漸稀，翹首可憐雲海闊。  
脫身豈慮稻梁微，野禽曾識籠中苦。  
却望南枝淚幾揮。

和蕭尺木九日見梅之作次韻

木落天空雁到遲，漢家糕宴杳無期。  
幽玄判老籬邊菊，芳信先傳嶺上枝。  
氣至未妨時節早，陽生特報隱淪知。  
小春月近應全放，非是江城笛偶吹。

同沈天士渡江

迹迹蒹葭兩度尋，侵霜又唱渡江吟。  
煙浮隔岸魚鹽市，日隱長河桑柘林。  
亂去風波頻泛宅，危時兄弟幾同心。  
如君友愛東南少，患難交情此倍深。

酬吳德培參戎礬渡村居

兵散江州日將軍此避素身因無用老家爲報恩貧吳  
袁督商將商謝具供高士推居讓故人祇今栖廡下杯酒亦留賓

張五敘移尊見過

張生燕市隱吾社舊狂徒小拍遲歌管閒錢付酒壺朝  
飢長賣盡世亂始爲儒今日攜家醞淒涼慰老夫五敘  
善聲律亂後折節長經居然老儒

得素臣三月八月兩訊并寄詩箋知我貽近狀  
揮手羊城訊字疎寒宵夢至故人書新詩萬里遙題箋



老友他鄉且共居春信久浮南海雁秋懷擬食武昌魚  
也知破衲關山返貧病江頭獨掩扉

三家兄幼安初度寓蕪陰遙祝

蕭蕭歲云邁孟冬月載陽游子栖江縣牢落古寺傍攬  
衣步庭除日月既以望念我同胞兄方稱五旬鵲嗟余  
久流離十年一還鄉如何百里外尊酒不復將豈無一  
言陳握筆情內傷回思廿年事泣涕不成章

憶昔廿年前我兄妙能文先君課諸子于我與兄勸篤  
成待天曙吟苦入夜分雖無二陸聲都邑亦有聞時值  
盛明代況逢堯舜君自謂次第出竝可致青雲此志竟

不遂天地一塵氛國運旣以然我曹胡足云我爲奸臣  
逼竄奔靈武軍兄困鄉井間筆硯一朝焚絕迹謝城市  
甘與樵牧羣眷言先子教長此懷清芬

昔與兄別時倉況兵荒後兄逃草間活我挈舉家走出  
處不相謀黽勉以餬口一去十年餘天道厄陽九兒女  
半摧殘榮華竟何有臘月禿首歸蕭然窮老叟我兄野  
食貧有田三十畝穉子能操觚井臼付新婦嫂氏厚福  
人悠然偕白首念我鹿門伴可憐骨已朽昔兄體羸弱  
臧謂稟自母神明老不衰當得吾祖壽謂彭祖何處求神  
仙惟有多飲酒

何以侑兄酒東籬菊有英又何以侑之僧居梵唄聲人  
生逆旅耳萬慮且空輕雖在塵世中長懷出世情衣食  
天所定既足不願贏百年已過半胡事苦營營惟有未  
生前此事當分明望兄池上居茅屋爲三楹共兄學佛  
法逍遙悟無生

得客生昆仲信

遙遙湘漢羨歸蓬底事回舟下粵東僧籍儘容通客占

問客生

蠻鄉猶喜故人同

謂溫良

朋西望心空切令弟

南來路不通

石生南來不得信而返

更說阿兄依峒主鵬冠無恙

萬山中

令兄遠生隱於陽朔山中

過家兄果菴山居

同堂兄弟少相對盡華顛病橋年年盡寒梅樹樹煙滅  
兒投杖起陪客負暄眠生理那堪說爬搔手一編

除夕

今歲已除夕吾生事若何酒狂隨量減老態逐年多早  
散防兒飲遲眠聽客歌遠人須勸醉不醉夜難過

坐有遠客

田間詩集卷第二

江上集

癸巳

元旦日食

歲朝逢日食占候客心偏僧起迎初旭鳥驚失曙大直  
疑報曉誤還欲解衣眠不信龍蛇識真符跨馬年

愚如上人見訪傳黃波民口信失所寄書

黃生閩海客失志在江隈寄訊因風便煩僧破雨來手  
書行李落姓字故人猜

汝民昔  
字帥先

五月能乘漲柴門候爾

開

得愚如信復回桐山取衣過樅川去

赤脚雨中去貧家贈別慳祇言隨挂席何意更尋山托鉢村煙少衝泥石路艱再來梢口信爲說贖衣還

園居雜詩

茅屋多年廢偷閒暫葺成林花隨季有藥草徧山生小  
雨松窗裏孤兒夜讀聲所期通大義不用博科名

睡法今年得柴門向午開牽蘿上老樹留棘扃天梅死

友隣中見游僧嶺外來

僧文如言林  
出本身從事

漫言渤海事吾志

已成灰

蘭若東臯上閒行日幾遭託僧護穉筍供佛摘櫻桃鳥  
語經時變魚聲入夜高所傷松樹倒不復聽春濤

舊有  
蟠松

偃蹇池上  
今倒矣

伊昔交游滿如今有弟舅同心經亂見鉤黨故人存舊  
事老偏記新聞閒不論出門惟索飲足迹徧鄉村

破屋重來住紙窗燈可憐農忙三月雨鳥鬧五更眠細  
點牀頭易同參洞上禪課見時技癢老筆忽成篇

舊書存史記溫罷已經春麥穫秧田老茶烘穀雨新太  
閒儘欲病數過客知貧別有愁心事詩成乏解人

牆缺由人過籬疎嬾用遮耐煩緣久客客臥且爲家叢  
桂千年物蒿蘿十丈花盡長無別課一日兩煎茶

世緣吾謝盡俗相訝難忘童穉心猶墨妻兒骨未藏所

求茅蓋頂那得竹成行若問安身法終期人道場

江村雜述

老屋江皋近兵船上下愁祇求連夜過怕被颶風留烽  
火沿村放雞豚比戶搜蘆中多難婦莫勸土人收  
正月神先判須防此地驚室家無我累手脚較人輕急  
束詩篇少單裝襪被行所嗟兄久病寄信姊家迎  
判是他鄉老懷居意謂何荒田爲僕誤退步受人訶變  
後家門弱貧來罪過多扁舟下吳會此志屢蹉跎

已分窮山老交親底事疑此心應未死吾道欲安之問  
訊蒙何點追尋見左思

謂次德  
子直

寄書多不答況敢示新



詩

自來生計少難後更何營  
襤被讓寒女稻梁分老兄  
兒知鹽光貴天與利名輕  
得飽殊非易明年我欲耕

勿進王孫飯逢人許報恩也  
知季布勇且閉賈彪門博

浪奇功少柴桑雅志存休文慎交接

謂沈  
錫卷

天道正難論

示閩人還里

爾來如此去念昔意多違  
七八年同事三千里獨歸天  
時且莫問吾道豈全非  
待汝營茅屋先秋候竹扉

感懷詩

冉冉孤生竹託根松樹林  
松樹既孤直竹色亦蕭森  
上

爲霜雪瘁下有斧斤尋不如道傍生雜在桃李陰桃李  
人所惜竹亦免見侵託身既得所中夜起清音還恐伶  
倫知毋爲鸞鳳吟誰知芳華中藏此危苦心

萬物各有智至神莫如龍龍爲陽火精遁藏淵水中當  
其乘風雲飛騰凌虛空化爲魚與蛇蹄涔亦能容頭角  
既以盡變化乃不窮日日游世間無人得其蹤如何延  
津水中有雌與雄水淡亦可涸劒去亦可從往來人所  
指藏身焉得工不見夏孔甲參與畜豕同身死醢作鮓  
徒爲庖廚充

蘭若生空山離離綠陽坡春風披拂之爭發叢中華草

木亦何意貴飲天地和如何芳未歇遂有霜雪加蘭芷  
既枯死椒櫞還紛羅仰視白日匿忽在西山阿我欲摩  
之反魏無魯陽戈精衛思銜石夸父空飲河有志不得  
就念之淚湧沱

浩浩洪流水中有往來舟舟楫各有適意各不相謀往  
者既利涉來者自淹留我舟蹈風行日暮征不休豈知  
巉巉石闌我水中流波瀾渺以淡川塗阻且修顧見傷  
舟去疾若雲煙浮行者發歎笑坐者生歎愁惟我達其  
故坦懷無所憂天道有互勝人事無獨優先後理一視  
我何多怨尤

檄檄園中柯靡靡庭前草秋風一以吹零落迹如掃朝  
爲青蔥姿夕暮成枯槁人命生非時腰領不自保屠割  
如犬雞係累及懷抱安能同草木及時自衰老吁嗟能  
離人得死固爲好

人生亦有命禍福亦有以屢空回固安貨殖賜自喜兩  
人易其常無損貧富理莊周號達生彭殤等一視及觀  
戒畏途貪生無過此寧爲曳尾龜不爲處籠雉如何孟  
子與子謁不肯止虎類亦可縞虎尾亦可履吁嗟兩賢  
人同在牖下死

翔鳥翔高岡見色已知避游魚泳深淵聞聲亦驚逝飛

雖適其天弋釣何所覲往往殞其軀直以貪餌致猩猩  
見酒疑終爲麴藥醉徂公遭拳拮把握不能棄我觀人  
最靈俱秉機先智一爲欲所牽冥然喪其志旁觀無不  
清當局旋已昧初謂足卽休終焉死不悔明明蹈危機  
甘心以身試身焉不自休豈非貪爲累使我心常戚食  
慾焉足蔽

鴛鳥味殺蟲貂鼠皮畏狸禽鳥以氣制死歿性不移惟  
人有猛氣獨復不如茲在生稱勇敢旣死無一知漆頭  
爲溺器有怒不得施死而能殺賊此語竟空垂刑天舞  
干戚千載殺其尸伯有爲厲鬼子產撫其兒我觀捐軀

人臨勁志不衰有志竟不伸徒爲後代悲

腐草爲螢火有光能耀夜青松變爲石堅貞與相亞如  
何翩翩雉遁入淮海化翺飛豈不佳水處斯爲下或言  
鳥有文潛身避彈射未聞東海漁鱗介還見赦變化得  
幾先斯言毋乃詐所以虛名人求路良可詫彥回老不  
死寧免寒士罵

夙昔事遠游直至崑崙顛路逢青鳥使啓關導我前顧  
我有靈骨置我於列仙得驂周王乘每侍金母筵洪崖  
相把手浮丘亦比肩浩劫例當乖一散如雲煙罡風吹  
我下飄飄落人間行行至城市遙聞人氣膺望見雙朱

扉匍匐叩其關中有老道士紫衣束金冠其名在仙籙  
所居爲洞天目我以凡夫叱之使速還我欲訴此故氣  
結不能言

寄彭孔哲刺史

蒼梧使者重交親鄉曲情從異地真囚首江亭逢候吏  
吞聲官舫慰蠲臣榕陰淡護危巢卵

曼公是客  
家俱借庇

海氣遙

騰破網鱗別後烽煙未全息庾關西望幾傷神

梧州城踞夾江沱亂後因君得再過津市煙銷殘竹瓦  
山樓月落起蠻歌飲除冰井泉源少候近桃花瘴癘多  
嶺路漸通人漸散獨留高寺老頭陀

曼公爲僧挂  
錫雲蓋寺

輓蔣誰菴司徒客死長干寺

煤山變後幾人髡破衲年年滯白門  
鈔法萬言前輩賞往遇熊魚山先生極贊所言鈔法  
書生一命烈皇恩文壇於我知偏  
早僧籍推君臘最尊古寺繩牀回首去逍遙不用賦招魂

水厓同方爾止哭于留作

同舟涉水厓澄湖淡可榜問此爲誰行擁權悲相向吾  
道旣以孤斯人復淪喪攜手赴山阿雲木鬱含愴入門  
同立哀暮色增惆悵傑閣林杪縣皓月出孤嶂夜淡作  
悲歌我歌不敢放



自我適炎州所歷備儉阻回脰望故鄉四郊此樂土二  
子復何心辭榮學農圃栖栖東海隅飢寒不言苦既爲  
小兒笑還遭長者怒此志竟無成野死良自取獨令吾  
子存孤憤向誰語

滌岑招隱詩同左子直子厚歎陳默公樓上

五月暑氣毒城邑難久留所遇皆熱客清冷不可求野  
人乍入市振策何所投老友三兩家僻在西北隅日暮  
城隅陰散步得自由遙愛林麓遠曲折藏一丘我友善  
臥疴經年居小樓雙扉鎖初啓道書讀未收苔草階面  
厚砌花石上稠闊計延北眺夕氣爽如秋移植故山竹

新梢頗修修披襟坐林下隨時成獻酬坐見郭外峰窈  
窕雲西流回首眄城郭俛仰悲昔游存者今幾人出處  
各不謀處者甘寂莫出者亦沈浮我髮不可黑子疾何  
時瘳服藥成神仙此事真有否不如多飲酒長嘯西山  
頭

暑中走椒嶺省方氏姊示諸甥

十七年前椒嶺路短驢疑在夢中行兵烽幾度門無徑  
靈雨初通澗有聲久旱得雨牛屋半楹啼寡姊蔬盤一夜馨  
貧甥老來萬事心灰盡益重人間骨月情

又哭方子留

已矣方生恨莫伸傷心不獨爲交親自憐萬死留殘喘  
底事終年哭故人供佛有廬工未竟課奴爲圃菜方新  
帷前乳母哀哀訴弔爾偏逢初度辰

去歲白門亡蔣詔今年東海失方干

于留客死明州

故鄉漸覺

同人少吾道惟宜野死安塵世本愁天  
夢夢泉臺更恐夜漫漫遺編一半垂危錄筆墨滑訛不忍看

得彭然石書信

瘴海星飛去莫攀書來猶說在人間  
馬嘶郊甸圓碁散然石善奕峰鎖關門托鉢還燈火夜聯江上艇詩題秋其塲

西山天涯暗哭張巡淚

謂別山

準擬開絳尚有斑

澹歸江上過寄訊云爲盃頭僧八月矣頭從盧

山來期余長于聚首忻慨成詩

壚峰何意跋能登

舊稱跋阿師

消息初疑尺素憑早信皈依

緣誦佛

澹歸昔以誦佛爲天然師所肯今果皈依矣

但存血氣總爲僧相期

增寺尋方丈柏過鍾山望 幸陵來往吾廬江上近扁

舟底事興難乘

塘上松

我家塘上古松樹左擎右攫虬龍怒屈幹回枝撐不高  
白晝陰陰起煙霧一夜雷擊半株死一枝奔向波心裏  
倔強力與雷霆爭倉皇渴飲池中水從此摧殘偃蓋枝

漏枯側出轉稱奇水中松影兩相映搖曳鬚髯雙龍嬉  
我欲攜亭倚松下東面臨池最瀟灑茗熟欲學春潯聲  
客睡長愁松子打不然池東起小樓疎枝細葉交牀頭  
晝長無事敲枕臥耳邊風雨聲颼颼天意傾覆焉可保  
人事感應殊難曉我兄于樹不開情絕命之刻松亦倒  
衆兄若士歿虎倒龍顛委池側枝柯偃蹇用不得我歸  
時松無故倒但見根槎枒徘徊欲過淚霑臆我去天南十一年夜夜  
夢到小池邊卽今茅屋何處著辜負松風夢可憐

許岩公復入雙溪舊址結廬乞書容膝兩字

卜築依初地溪聲舊厭廬間闌素火後人物漢陰餘曾

與市喧接自然靜者居南窗容膝處老筆爲君書

薜荔行

牆邊老樹久枯槁苦遭薜荔纏未了薜荔自矜得所依  
寧顧他時此樹倒可憐老樹空槎枒薜荔爲葉花爲花  
春時不省花葉假老樹依舊有光華老樹薜荔還相得  
令人却憶侯門客將軍聲勢最可攀幕下文章寧足惜  
將軍勢去豈長尊老樹枝枯不久存此生依附終難恃  
好認從來自本根

桂花下獨酌醉成

我家西園桂樹大樹下能容百人坐花開十里爭聞香

花落數尺隨人臥惟有此株顏色丹言是仙種出廣寒  
紫玉爲枝赤金蕊葉如青葢浮雲端我思構閣各月窟  
當樹開窗圓如月碧紗映處樹影明玉宇晶時天香發  
卽今無間亦自好金粟滿地不須掃我來獨酌無人斟  
三杯徑醉花上倒此時月出人來稀月光照見花滿衣  
夜深或有嫦娥至乞得長生藥始歸

中秋月食

秋月圓如此爭言永夜曠人間誇盛滿天道有虧盈漸  
看輪將盡還疑魄未生徘徊欲誰待且臥聽雞鳴  
同方爾止李仲山童稚公舍姪康裕集孫不害

宅聆誦佳句鏗爾有聲寧成以志傾倒下  
縱陽小市饒流寓暇見孫郎最出羣向有李生稱協律  
謂仲近逢諸子總能交酒杯數許山翁赴雅詠時從半  
醉聞相對方千底二老詞壇此後合輸君

長河堤上向家兄舍弟口號

稻穫江村秋色闌長河水急客心寒潮流漸細魚骨密  
官路纔通酒店殘柏葉吟風紅的的蘆花吹雪白漫漫  
廿年攜手行歌地滿目淒涼掩淚看

澹漕後山晚眺

湖上冬晴湖水平夕陽山色遠含情數家牛屋參差住



一葉漁舸次第生月架斷崖迎面起燒連荒塚隔溪明  
遙遙犬吠寒林外華子岡頭聞豹聲

力疾訪程浮槎洲居看菊

河上老翁住水涯閉門閒植一庭花自憐好事能扶病  
爲喜留人故在家檻外淺淡姿爛熳籬邊高下色交加  
與君飲罷身全健酩酊無辭歸路賒

蹣跚策杖看花來萬朵千枝次第開乞種自矜垂老得

問名還憶阿儂栽

哭人蓄花多散  
各色今皆有之

冬晴早葺淡淡屋日

裏頻斟細細杯也識主人珍惜甚醉餘莫插滿頭回

曾青藜過草堂余以足疾臥雙溪俟看花始回

先寄一首

有客衝寒過草堂無端臥病滯湖鄉  
老兄應喜開蓬徑穉子能爲掃竹牀  
野飯莫辭蔬光黑江醴難負菊花黃  
暫留侯被遲余返且脫僧衣共把觴

余與青藜皆僧服

送別曾青藜入楚

百粵三吳萬里經游蹤不爲大親停

曾有大母贈九旬

難兄西

邁勞秦棧

令兄庭聞方入秦

令弟南趨過洞庭歲晚江深孤櫂

遠天寒氣淨九疑青同時歸侶如相問說向心灰似管

夜歸

江上霜風吹客衣，菰蒲艇子夜涼歸。  
征鴻暗叫尋行度，野鴨齊驚破陣飛。  
近水林巒行去失，遠村燈火望中微。  
犬聲出屋春聲歇，知有人開竹裏扉。

叢桂謠爲仲兄六十初度

桂樹叢生山之幽，枝葉連卷根相繆。  
開花鬱若黃雲浮，我兄讀書其下三十秋。  
今年花開花甲周，舉案孟光偕白頭。  
婚嫁已畢身自由，有子克家饒算籌。  
孫能挈杖從兄游，獨憐生女命不猶。  
早歲來歸誓柏舟，亦能養親甘旨羞。  
舉酒屬兄兄勿憂，兄飲我舞叔子謳。  
同產者五三人，留十年遞長齒髮俛。

仲子長叔子十歲  
叔子長余十歲

父母稟賦兄

獨優問兄有酒當飲否三人之外誰爲儔酒酣不用悲  
楚囚我本與兄無壯猷慎勿多口招人尤頻年旱潦田  
折收攢眉嗽粥終歲愁我行萬里今歸休世態閱盡如  
聚漚側身天地何所投回思十年滄海流爾我猶得延  
蟪蛄勸兄知足閒且偷世事紛紛閉兩眸黃雞正肥新  
酒菊況復花發滿山丘明歲努力事田疇祝兄穰穰滿  
車篝河上牧豕大如牛僕有飽飯牛有芻夏白苧衣冬  
布裘衣食粗足又何求我亦花間攜小樓丹經具葉互  
較讎歲歲花開一唱酬從此百年身悠悠安能離懷手

歲謀

秋雨數

老夫秋臥空牆側牆東踏碓春不歇瓦溝雨聲徹夜懸  
牀頭接漏盆滴穿宅老大稠無去處拄杖只到衡門前  
爨婦廚邊炊欲哭濕薪不著煙滿屋阿兄飽飯腹便便  
手把書卷翹足眠

稻畦已破禾浸死麻收被隴不得收水鄉望魚如望稻  
水戀又恐魚回頭已苦薪盡炊方絕況乃草爛牛無芻  
出門看雨雨不住前村買酒無船渡農夫把鉏行復歸  
洗脚檐前坐織屨

朝雲開東日出早豆棚絲絲作雨聲蘆花泥濘種不得

秋瓜時過空自生青菰黑茨非難摘小船繫井無人接  
田家租輸腹已餓未黑掩門向燈坐小兒市上得酒還  
速爰取醉昏昏臥

秋水歎

貧家住近江水涯有田數畝皆汙邪十年種田九年浸  
古堤漸塌年年加去歲潮涸天不雨此田龜坼成焦土  
今夏大旱秋雨通江湖判與卯年同先有上神判云潮  
江湖同卯至來留堤堤欲決合力扛禦傷農功捷薪下石僅能塞山  
水倒注泄不得眼見黃禾沒水底魚龍怫鬱紛來食可  
憐黃禾子離離老農照影心傷悲租船買酒入水穫酒

少口噤寒難支終日穫稻不盈畝上場打稻幾數斗稻  
黃者少青者多除還酒債竟何有況復皇天不肯晴積  
禾在場禾耳生街頭稻價日日賤此稻入市賣不行君  
不見賣稻老翁泣訴苦門外催租吏如虎

秋海棠

哀露紅猶淺映階碧已淡偏當炎夏日開向北窗陰零  
落美人淚幽芳處士心可知枝葉大容得薜苔侵

何許情根結熒熒花尚芳可憐一滴淚斷盡千秋腸泣  
露珠同濕凝紅汗有香只疑牆角下啼血至今藏

花傳是情  
人淚所成

錦覓

赤莖疑作莧彩色忽將舒照眼花相似煤階錦不如未  
霜誰點染當暑已蕭疎最豔無人處開門乍見初

丹黃隨意設濃澹自交加偏以秋增豔惟憑葉作花色

先鴻鴈到一名雁

妍向老翁誇又名老

何處熏人眼燒

丹道士家

雞冠花

的的丹砂碎亭亭絳幘齊昂霄如覓閭侵曉不成陪俗

豔妝村落秋光照圖畦未登花譜上獨許野人題

紛敷籬下物爛熳夕陽中長夜應難叫危冠空自雄已



知形似水底事視需翁對爾驚秋盡寧輸報曉功

水仙

莖葉盈畦短根芰與石左素華疑雪片絕豔是冰姿影  
在燈前好香惟夢醒知神清誰得似姑射耐寒時

千葉殊穠豔

宋人以千葉爲真水仙

吾憐六瓣單香中稱澹妙花

裏最清寒白映湘妃佩黃加道士冠常防酒氣逼不敢  
醉時看

贈從兄季和

耿介推吾從同堂亦罕倫遺金呼客拾時服厭人新伏  
臘三年醞晨昏百歲親水田纔數畝殊不覺家貧

田間詩集卷第二